

**Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat**  
(Aningaasaqarnermut Naligiissitaanermullu Naalakkersuisoq)

**Saqqummiussissut**

(Aningaasaqarnermut Naligiissitaanermullu Naalakkersuisoq)

**Siullermeerinnineq**

Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaattut siunnersuut Naalakkersuisut sinnerlugit saqqummiuppara.

Siunnersuut qarasaasiakkut akunnermiliullutik sullissisut nunatsinniittut paasissutissanik tunniussisussaataitanerannik atulersitsivoq. Qarasaasiakkut akunnermiliuttut nioqqutissanik sullissinernillu pisisup tuniniaasullu akornanni akunnermiliunnerminni, attartortulluunniit attartortitsisullu akornanni, taamatullu aamma illuatungeriit akornanni sullissinerni akiliutinik akunnermiliunnerminni akileraaruserinermut ingerlatsivimmumut paasissutissanik arlalinnik tunniussisassapput.

Qarasaasiakkut akunnermiliuttut pigisanik aalajangersimasunik attartortitsinermik akunnermiliuttut inatsimmi § 33 e naapertorlugu paasissutissanik assingusunik tunniussisussaataaereput.

Qarasaasiakkut allagarsiiviit assersuutigalugu innuttaasup nioqqutissanik innuttaasumut allamut tuniniaaviannik sullissisut, akiliineq sullissisoq avaqqullugu innuttaasut marluk akornanni pinerani, akileraartarnermi ingerlatsivimmumut nalunaaruteqarnissamik peqquneqanngillat.

Qarasaasiakkut nittarsaavinnik saqqummersitsisut paasissutissanik innuttaasup akileraarusiisarneranut naapertuussinnaasunik akileraartarnermi ingerlatsivimmumut qinnuigineqarnani nassitsisarnissaa siunnersuutip nassataraa. Paasissutissat innuttaasumit namminermit paasissutissat peqatigalugit eqqortumik akileraarusiisarnermut aalajangersaanermik pitsaanerulersitseqataassaaq.

Siunnersuut avitseqatigiilluni aningaasaqarnerup akileraarusiisarnikkut nakkutigineqarneranut pitsaanerulersitseqataassasoq naatsorsuutigineqarpoq. Avitseqatigiilluni aningaasarneq sukkasuumik ineriartorpoq. Amerlanerujartortut avitseqatigiilluni aningaasaqarnermut peqataajartortillugit, aningaasanik nussuinerit akileraarusiisarnikkut eqqortumik suliarineqarnissaata qulakkeernissaa pingaarnerulissaaq.

Taamaalilluni siunnersuut nioqqutissanik sullississutinillu ingerlatsisartut qarasaasiakkut akunnermiliuttunik unammillerneqarlutik sannginnerusumik inissisimalinnginnissaannik qulakkeerinnissasoq naatsorsuutigineqarpoq.

Qarasaasiakkut akunnermiliullutik sullissiviit Kalaallit Nunatsinniingitsut paasissutissiisussaataitanermut ilaatinneqanngillat, malittarisassammi nunatsinni atuuttut, suliffeqarfinnut nunatta avataaniittunut atuutsinneqarsinnaanngillat.

Qarasaasiakkut akunnermiliulluni sullissinerit siaruariartornerat atorneqariartornerallu ilutigalugu, nunani tamalaani akileraartarnikkut oqartussaasut paasissutissanik paarlaateqatigiittarnermik suleqatigiinnissaannut pisariaqarnerulissaaq. Taamaammatt siunnersuut aamma nunat tamat akornani paasissutissanik qarasaasiakkut akunnermiliuttarfinnit pissarsiarineqartunik paarlaateqatigiittarnerulerannut aamma tungavissiissaaq.

Siunnersuut tassungalu nassuiaatit naggasiullugu innersuussutigissavakka.

Taama oqaaseqarlunga Naalakkersuisut sinnerlugit siunnersuut Inatsisartunut kajumittumik oqaluuserisassanngortippara.